



Universitätsbibliothek Paderborn

**Romischer zů Hungern vnd || Behaim [et]c. Königlicher
Mayestat Ertz=||hertzogen zů Osterreich [et]c. Ordnung
vnd || Reformation g[ue]tter Policity/ in dersel=||ben
Nider[oe]sterreichischen Lan[n]den ...**

Ferdinand <I., Heiliges Römisches Reich, Kaiser>

Wien[n], 1542

VD16 N 1679

Wjr Ferdinannd von Gottes genaden Roemischer/ zů Hungern vnd Behaim
[et]c. König/ Jnfant in Hispanien ...

urn:nbn:de:hbz:466:1-14321



Din Ferdinand

von Gottes genaden Römischer/
 zu Hungern vnd Behaim ꝛc. Kün-
 nig/ Infant in Hispanien/ Erz-
 herzog zu Osterreich/ Herzog zu
 Burgündi/ Steir/ Kärndtn/ Crain
 vnd Wiertemberg ꝛc. Graue zu
 Tirol vnd Görz ꝛc. Embieten
 allen vñ jeden vnsern Geistlichen
 vñ Weltlichen/ Preläten/ Grauen/
 Freyen/ Herrn/ Rittern/ Knechtē/
 Hauptleuten/ Verwesern/ Vizdomben/ Vögten/ Phlegern/ Ver-
 waltern/ Ambtleuten/ Schulthaißen/ Burgermaistern/ Richtern/
 Räten/ Burgern/ Gemainden/ vñnd sonnst allen annder vnnsert
 vnderthaneꝝ/ zügewondten vnd getrewen vnnsereꝝ Aideröster-
 reichischen Lannde/ was Wir den/ Stannnds/ oder wesens die sein/
 den dise vnser Ordnung oder Abschrift dauon zusehen oder zulesen
 fürthomen/ gezaigt oder verthündt wirdet / Vnser gnad vnd alles
 guets/ Vñnd geben Euch hiemit gnediglich züerkennen.

Wiewol wir von eingang vnserer Regierung allerlay offener
 Laster/ mispreüch/ vñordnung/ eigennützigkait vñ beschwerung/
 vñ sonderlich nit wenig mengl vñ gebrechen an gueter sittlichen
 Ordnung vñ Pollicey in beürten vnnsereꝝ Aiderösterreichischen
 Lannden befunden / Vñnd derhalben zü abstellung solcher Laster
 mengel vñ vñordnung/ so nit allain das zeitlich leben vñnd wesen/
 sonnder auch zü vñdriff der Seelen nachtayl vñ verdammüß be-
 rüeren/ mermals vnnsere ernnstliche General Mandat vñ Gepott
 außgeen lassen. So haben wir doch nit mit geringer beschwerung
 bisheer vermerckht/ dz solhen vnnsere Generaln vñ Gepoten von
 vnnsere Lanndleuten vñ vñnderthaneꝝ nit allein wenig gelebt/
 sonder nahenndt all schwäre laster/ leichtfertigkeit/ mispreüch/ vñ
 vñordnung vñ beschwerung vñnder allen Stannnden vberhande ge-
 nommen vñ gleich in ain hochschedlich vñnsälige gewonhait erwachs-
 sen vñnd gezogen worden/ Daraus dann vermuetlich eruolgt/ das
 der Allmechtig vñns/ vnnsere Lannde vñnd Leüt mit so manigsaltigen
 plagen vñ straffen/ als mit enziehung/ misfratung vñ verteurung/
 allerhandt frucht des Erdtrichs/ Hunger vñnd Sterbens nöttet
 Auch fürnemlich durch den wüttenden Erbfeinde Christlichen
 namens vñ Glaubens den Türckhen / vñnd in ander mer wege ain

zeitbeer/vnd sonderlich dis nächstueruckhten Ainundvierzigsten
jars beschwärlicher als hienor nie hertiglich haimbgesuecht / Wir
auch gröflich besorgen / das an allen bis heer erlitnen vnnnd vber
stannnen anfechtungen / Trübsall / Plagen vnd Straffen / thain
ende noch aufhörung sein / sonnder der zorn Gottes nach gelegen
hait yerschwebender leüff / auch ergerlichen verweifflichen vnnnd
sträflichen leben vnnnd wandels vnnnder allen Stennden / noch bes
schwärlicher auf vnser Lanndt vnnnd Leüt vallen vnd verhengt
werden möchte. Wann nun aber die Hanndt / Straff / vnnnd
zorn des Allmechtigen nit das noch bequemer abzuwenden / vnnnd
sein Götlich gnad huldt / glückh vnd Syge züerwerben sein mag /
dann so sich die menschen zü Gott bekheren / bessern / vnd von allen
Lassern / ergernüß / vnnnd leichtuertigkhayt abstecken / auch allen
vbermäffigen pracht / costlichait / verschwendung / eigennützigkait /
vnnnd veruortailung des neben menschen abstellen / vnnnd sich in
Christlicher Gogforcht vnnnd zucht / auch sitlichem wesen / Ord
nung vnd gueter Pollicey / erhalten / ainander trewlich maynen
vnd bedencthen.

Demnach vnnnd dieweyl dann all guet löblich vnnnd beständige
Regierungen an erhaltung gueter ordnung vnd Pollicey berüeen
vnnnd on dieselben nit besteen mügen. So haben Wir alls
Christlicher Khünig / Herz vnd Lanndtsfürst in thrafft vnnsers
obligenden Ampts mit zeitlichem wolbedechtlichem Rat vnserer
Niderösterreichischen Lannden Ausschüssen / auch ansechenlichen
Räten vnnnd Lanndtleuten / zü abstellung der gemaynen Lasser
auch wendung vnnnd besserung annnderer fürnehmlichisten einge
risnen ergerlichen mißbrüch / menngl / vnnnd vnnordnung / nachvol
gennde Ordnung / Reformation vnnnd Pollicey in berüerten vnn
sers Niderösterreichischen Lannden / vnnsern getrewen Lanndts
leuten vnnnd Vnnderthanen / zü sonderm nutz / aufnemen vnnnd
wolfart gnädiglich fürgnomen vnnnd aufgericht. Welhe wir
Luch allen sament vnnnd sonderlich hiemit gnädiglich verkhün
den / Maynen vnnnd wöllen / das Ir derselbigen alles innhalts
bey Straff vnnnd Peen darinn verleibt / stätt / vnnnd vestiglich für
Luch selbs gelebet / vnd die Ewrn dahin weyset vnnnd vermüget /
sollich vnnsere Ordnung vnd Reformation bey vermeidung gleich
mäffiger Straff / auch also vnnachläßlich vnnnd vnuerpreehenlich
zühaltten / vnd deren gehorsamblich nachzuehomen vnnnd zü ge
leben.